

ԿՐՕՆԱԿԱՆ

ԼՈՒՍՈՅ ՈՐԳԻՔ.

«Ձի քպէս եւ երբեմն եիք խաւար, ադ լոյս հի ի Տէր. իբրեւ զորդիս լուսոյ զնացիք, զի պտուղ լուսոյ ամենայն բարութեամբ է եւ աղաւթութեամբ եւ ճշմարտութեամբ»:

Եփես. Ե. 8—9:

ԶԿՏՈՒԲԸՐ, դէպի լոյս մարդու ընդար-
բոյս ունակութիւններէց, նորա հո-
գու ամենամարուբ շարժումներէց մէկն է, և
ինչպէս որ արեգակի լուսոյ ազդեցութեան
նկարդոյ դարձնում է շարժում են բոյսի մէջ
թաղանթաձ կենսական ոյժերը ստիպում նո-
բան ելնել, տարածուիլ լոյս աշխարհի մէջ,
բացուիլ ծաղիկել և պտղաբերել մինչև իւր
կոչման վերջին ծայրն հասնէ՝ այնպէս և
մարդս զգում է, որ իւր անհուն յոյզերի
և անսահման մարերի սաղմնարան հոգին
բացուել, զարգանալ և կատարելութեան հաս-
նել կարող է միայն այն դէպքում, երբ նո-
բա վերայ ընկնում են մի ներքին լուսոյ ճա-
ռագայթները միջոց են տայիս աւելի ու աւելի
հետուն տեսնելու, աւելի ու աւելի պայ-
ծառ կերպով և մի անսպառ տենչ նորան
մղում է դէպի յաւիտենականութեան այն
կզըր, որ համակ լոյս է, և խաւար ի նմա
չկը և ոչ մի *:

Այդ ձգտումը հարկաւ բոլոր ժամանակ-
ներում և բոլոր մարդոց մէջ հաւատար կեր-
պով չէ հանդէս գալիս: Յայտնի է, թէ որչափ
մեծ է եղել այն արեւելեան—արիական ժողո-
վուրդների մէջ, կրօնս առասպելական և ազ-
գային աւանդութիւններ, բերանացի և գրա-
ւոր բանահիւստութիւն՝ այն ամէնը ինչ որ այս
ժողովուրդներին ի շարս նոցա և հին հայերի
հոգեւոր կեանքի արտայայտութիւնը կամ հո-
գեկան հարստութիւնն է կազմում՝ պտտում
է լուսոյ և խաւարի յաւիտենական մարտա-
ման գաղափարի շուրջը, մայրն օրօրօցի մօտ:

* Յովն. Ա. 5:

քուրմը տաճարումս վիպասանն ու տանկա-
պահ ծերունին հրապարակի վերայ աշխատո՞ւ-
նն արեւելցու հոգու մէջ տպաւորել այն սկիզ-
բունքները, որոնց առաջնորդութեամբ նա լու-
սոյ գործակից պէտք է լինի և խաւարը հա-
լածէ, և նորա մարդկային արժանեաց չափն
խակ այն է, թէ որպիսի արիութիւնն է յոյց
տուել լուսոյ զինուորի կոչման մէջ: Սակայն
այստեղ լուսոյ զարթոյթն աւելի երեւակայու-
թիւնն ու տենչ անուցանող, կէս—կախարդա-
կան միջոցներով դէպի կախարդական հրաշա-
լիքների մի աշխարհ տանող ցնորք է, քան
իրական համոզումս արտաքին լուսոյ՝ արեւի
ու կրակի արտաբայլման, և ներքին լուսա-
բութեան պատկերացումներն իրար են խա-
նուում՝ այստեղ և անհասն իւր աչքի ա-
ռաջ գծուած մի պայծառ շաւիղ չէ տես-
նում, որի վերայ պարզ դիտակցութեամբ և
հաստատուն կամքով դէպի իւր կեանքի նպա-
տակը դիմել կարող է, այլ շրջապատուած է
զղում իրեն մի անորոշ, մի հմայիչ շաման-
զագով, որի մէջ ընկզմելու բուռն ցանկու-
թեամբ ինքնամոռացութեան պէտք է տայ,
կրաւորական փիճակի մէջ դնել իրենս գապել ի-
րական աշխարհի հետ կապող կրքերն ու կա-
մեցողութիւնները—երազէ:

Ձգտումը դէպի լոյս շատ մեծ էր նաև
արդի եւրոպական լուսաւորութեան առաջ-
նորդ հին յոյների մէջ, որոնք թէպէտ արե-
ւելքից առան լոյսը բայց իրեն գործնական
ժողովուրդ՝ արտաքին լուսոյ հրապոյրներին
անձնատուր չեղան, յափշտակուած հսկեցո-
ղութեան մէջ չթաղուեցին զմնացինս այլ իրենց
բոլոր ուշք գարձրին ներքին լուսոյ գործա-
բանը զօրայնելու վերայ, լուս ըմբռնելով, որ
զորանից է կախուած մարդոց լուսաւորու-
թիւնը, իրերի աւելի ու աւելի ընդարձակ
սահման իւր տեսողութեան շրջանակի մէջ
ամփոփելու և նոցա կութեան խորքը թա-
փանցելու կարողութիւնը: Պէս նիւթական կէս
վերացական լուսոյ պաշտամունքի տեղ բռնեց
այստեղ իմաստասիրութիւնը՝ շրջապատող բը-
նութիւնը անհուն արեգկրքը, նորա մէջ տե-
ղի ունեցող երևոյթները քննելու՝ նոցա պա-
պանութեան շարժման ու կենդանութեան
ընդհանուր օրէնքները գտնելու հետամու-

Թիւնը: Եւ յոյն հանձարը շուտով այնչափ յառաջ գնաց այս ասպարիղի վերայ, որ նորան թուում էր, թէ շատ չանցած բոլոր գաղանկները կլուծուին, ամբողջ տիեզերքի մէջ մութ անկիւն չի մնայ, որ չլուսաւորուի նորա մտաւոր տեսողութեան առաջ. թուում էր թէ մարդու խնայական կարողութիւնը մի ամինայտղթ զօրութիւն է, մի ղիւթական բանայի, որ ամէն նիգ խորտակում է, ամէն փակ դուռ բանում: Սակայն երբ առաջին ոգևորութիւնն անցաւ և հետագոտող աչքը արտաքին կոշտ իրականութիւնից դաժնալով մարդու ներքին հոգևոր կեանքի վերայ կենտրոնացրեց իւր ուշադրութիւնը, խորհրդածել սկսեց, որ այստեղ ուրիշ օրէնքներ կան մարդու բարւօք կենցաղաբարութեան, զարգացման և կատարելութեան համար աւելի կարևոր բայց և գրեթէ անմատչելի իւր դատողութեան՝ շփոթուեցաւ, կասկածների ու տարակուսանքի մէջ ընկաւ և ստիպուած էր բացականչել. Այն միայն զիտեմ, որ ոչինչ չգիտեմ:

Գորա փոխարէն որպիսի բացարձակ ոգևորութեամբ և մաքուր հրճուանօք ընդդիմեցին առաջին հաւատացեալներն այն շնաշխարհիկ լոյսը, որ Գողգոթայի վերայից, յարուցեալ Փրկչի գերեզմանից ճառագայթից նոցա համար: Դրսից էր գալիս այդ լոյսը՝ արտադրել այդպիսի ինչ երբէք մարդկային հանձարը չպէտք է կարողանար, բայց նորա մէջ ոչինչ չկար արտաքին և նիւթական. զուտ հոգևոր էր նա, հոգւոյ աչքով միայն տեսանելի անարատ և զէպի անսպական լուսոյ աղբիւրը ձգող հոգիներին միայն մատչելի: Երկրապետի կազմութեան արևի ու աստղերի շարժման գաղանկքը նա չէր պարզում՝ բնութեան տարրերի վերայ իշխող լինելու այն անձնատաստան զգացումը չէր շնորհում, որով պարծենալ կարող էր լուսաւորեալ յոյնը, բայց գորա փոխարէն որչափ խոր գաղանկներ էր պարզում մարդու հոգևոր կեանքի մէջ, որպիսի մեծ կարողութիւն շնորհում՝ նաև մի խեղճ աղէա մարդու իւր սեփական կրքերի ամենափոքր շարժումները գիտելու և նոցա վերայ իշխող հանդիսանալու՝ անձնիշխանութեան մի նոր օրինակ զգացում, որ չէր ամբար-

տաւանացնում, այլ մահու չափ խոնարհեցնում էր՝ մինչև երկինք բարձրանալու երջանիկ վաստահութեամբ—Մարդիկ մինչ այդ զգացել էին միշտ մի աներևոյթ չար զօրութեան բռնակալ ձեռքի ծանրութիւնն իրենց վերայ, որի դէմ հաւատարապէս ապարդիւն կերպով կռուել էին աշխատել արևելցին ու յոյնը և իրենց ապիկարութիւնը խոստովանել. իսկ այժմ՝ մի բարի մի ամենակալ Հօր աջը տարածուել, հովանի էր կազմում տառապեալ մարդկութեան և իւրաքանչիւր որ, որ լի հաւատով դէպի այդ Երկնաւոր Հայրն էր դարձնում հայեացքը՝ պէտք է ապահով լինէր, որ առանց Ծորա կամքի մի մազ անգամ չի ընկնի իւր գլխից, և ուրեմն Ծորան ապոււինած կրակ ու ջուր, իժ ու կարիճ կոխել, անցնել կարող է:—Առաջ այն կարծիքն էր տիրում, թէ աշխարհը անիրաւութիւնների մի զանգուած է և զօրեղն է այնտեղ իրաւատերը բարին պատժուում է յաճախ և չարը վարձատրուում անանկն ու հարստահարեալը զուր են պաշտպանութիւն և արդարութիւն որնուում. իսկ այժմ՝ խաչի մահուան դատապարտուած անմահ Թաճեցեալն ապացուցել էր, որ եթէ դժոխքի ամբողջ արհաւիրքն անգամ արդարի հակառակ ելնեն՝ նա վհատելու պատճառ չունի և չպէտք է ընկճուի համոզուած լինելով, որ տիեզերքի երկայնամիտ Գառաւորը արդարութիւնը տեսնում է, իւր անքննելի անօրինութեամբ կլու գուցէ երկար ժամանակ, բայց ի վերջոյ արդարին կպարզուի, յաղթութիւնը:—Ի՞նչ է ճշմարտութիւնը՝ երկնքից կախուած այդ մեծ հարցը դարերի ընթացքում պատասխան չէր գտնում. զուր տեղը մոգերն ու իմաստունները երկնքի ու երկրի երեսն էին քննում, ծովերի խորքում գտնել այն ճշնում: Գոյնարութիւն չկար ոչ մի տեղ, կասկած էր յարուցանում միայն անշունչ բնութիւնը, կեղծիք արտադրում մարդոց փոխադարձ յարարութիւնը, բայց ահա ասպարէզ են ելնում ճշմարտութեան մի խումբ աւետարանիչներ, որոնց համար ամէն կասկած վարատուած է և ամէն կեղծիք վերացած, նորա տեսան ճշմարտութիւնը և հրաւիրում են ամէնքին գալ և տեսնել, որովհետև ոչ ոքից թաղուն չէ, նա՛ վաղուց փայլում է

հորիզոնի վերայ և մարդու կրծքի տակ խօսում և եթէ մարդիկ տեսնել ու լսել չեն ուզում, պատճառն այն է միայն որ «չարութեան են գործք իւրեանց» չար հակումներ, չար գործեր փակում ու խանգարում են նոցա տեսողութիւնը:

Եւ մարդիկ զգում են այդ զգում են, որ իրենք դէպի ճշմարտութիւն կոչուած են և հասնել կարող են նորան, եթէ հոգեով սրտով հետամուտ լինին. զգում են, որ լուսով շրջապատուած են և կարող են լուսոյ մէջ քայլել շարունակ, եթէ վայր ձգեն թանձր փականքները աչքի վերայից, որ խաւարը սիրելի են դարձնում: Գեռ Բ. դարում նշանաւոր Տրայանոս կայսրը իւր գործակալ Պլինիոսին գրած նամակի մէջ քրիստոնեաների մասին ասում էր. այս լուսաւորեալ ժամանակ մեզ վայել չէ բանասրկուների միջոցաւ նոցա որոնել և դատի ենթարկել: «Վայել չէ լուսաւորեալին, մեր լուսաւորեալ դարում» — այսպիսի խօսքեր մենք ևս յաճախ լսում ենք և կրկնում այն դիտակցութեամբ, որ լուսոյ որդիք լինելու և կոչուելու համար ազատ պէտք է լինել որոշ արատներից, մարդկային արժանապատուութիւնը ձգող խաւարային միտումներից և սովորութիւններից: Մակայն ամէն օր, ամէն ժամ մեր աչքի առաջ տեղի են ունենում իրողութիւնների, որոնք ապացուցանում են, թէ ներկայումս քաղաքակրթութիւնը աշխարհի պարծանք կազմող լուսաւորութիւնը չէ ազատում մարդուն այդ արատներից: Ծա բարձրագոյ ճառեր է ասում լուսաւորութեան մասին հազար ու մի եղանակներով ազատարար ու երջանկաբեր լուսոյ գովքն է անում: բայց շարունակում է խաւարային գործեր և խաւարային բարքեր երեան հասնել: Այստեղ ևս նա զիտէ ձարպիկ կերպով ամէն բան իւր համոզքին յարմարեցնել՝ այն բարձրը, որին պէտք է վեր մագլցելով հասնել ձգտել, իջեցնել, գեանի վերայ քաշ տալ, իւր մօտ բերել: 2^{րդ} որ նա պարծենում է, 2^{րդ} որ նա պարծենում է, թէ լուսաւորութիւնն էլ ինքն է ստեղծել, իւր հանձարեղ մտքի ծնունդ են ո՛չ միայն դիտութիւն և արուեստ, այլ և կրօն, բարոյականութիւն, ամէն մի վեհ ու ազնիւ գա-

ղափար: Ի՞նչ զարմանք ուրեմն, որ նա իւր քմայց համաձայն բացատրութիւն տայ գոցա բոլորին՝ գործադրել, ինչպէս անձնիշխան կամքը պահանջում է: Բայց եթէ մենք ճանաչում ենք մի լոյս, որ վերեւից է գալիս և մեր առաջնորդը պէտք է լինի դէպի վեր՝ չինք կարող լինել և գործել այնպէս, որ ամաչենք և երկիւղ կրենք այդ լուսոյ առաջ երեւալու: Առաքեալը մեզ ասում է՝ ի՞նչ պայմանների մէջ ճշմարիտ լուսոյ որդիք կրկոչուենք, ինչպէս պէտք է լինեն այդ լուսով լուսաւորեալի պատեղները՝ բարութեամբ, արդարութեամբ, ճշմարտութեամբ, ուր դոքա պակասում են՝ ամենամեծ գիտութիւնն ու ամենաճարտար արուեստը ճշմարտապէս լուսաւորեալ մեզ դարձնել չեն կարող: Որ ասէ՝ եթէ ի լոյսն իցէ, և զեղբայր իւր առիցէ՝ սոււա է և ի խաւարի է տակաւին:

Գ. Վ.



ԱՐԵՒՄՏԵԱՆ ԿԱՄ ԿԱԹՈՒԼԻԿ
ՎԱՆԱՎԱՆՈՒԹԻՒՆԸ*.

ՈՐՔԱՆ և քրիստոնեական եկեղեցիները զաւանտութեամբ և վանական կազմակերպութեամբ սարբեր լինին, այնուամենայնիւ այն հայեցակէտը ունին, թէ հաւատքը ամենուրեք քրիստոնեական կեանքում պէտք է իրականանայ և պատկերանայ, թէ իսկական քրիստոնեութիւն կարող է մի միայն այնտեղ գոյութիւն ունենալ, ուր նա իւր համար «եղահական կեանք է ստեղծել: Քրիստոնեական եկեղեցիները բաժանումը յաւաճ է եկել ո՛չ միայն ստուգածարանական վիճարանութեանց

* Անցեալ օտրի «Արարատ»-ում լոյս տեսած Օրդոնոս կամ արեւելեան վանականութեան պատմութեան իրեւզագիշտ յառաջ եկի բերում հռչակաւոր ուսուցչապետ Աղոյժ Հարմակի գրուածքի ներկայ փոխադրութիւնը: Շոտս դասախօսութիւնը կրում է Das Mönchthum, Seine Ideale & seine Geschichte վերնագիրը: Մեկ օգոստոս եկի այդ գրուածքի 4-րդ հրատարակութիւնից (gützel. 1895): Այս յօդուածին կնեւելի ասորի վանականութեան պատմութիւնը և այսու հայ վանականութիւնը: